



Broj: 01/04-05-5401/18
Sarajevo, 17.10.2018.g.

Gradsko vijeće Grada Sarajeva

N/r Igor dr. Gavrić, predsjedavajući

Predmet: Odgovor na inicijativu upućenu na 19. sjednici Gradskog vijeća Grada Sarajeva (Odbor za javne službe, infrastrukturu i javni saobraćaj)

Veza: Vaš akt, broj: 01-GV-02-945-1.1/18 od 26.09.2018. g.

Poštovani,

Gradsko vijeće Grada Sarajeva je, na inicijativu Odbora za javne službe, infrastrukturu i javni saobraćaj, usvojilo sljedeći zaključak:

„Zadužuje se Gradonačelnik da uputi komunalnog inspektora koji će utvrditi kakvi radovi se odvijaju uz korito rijeke Miljacke, na lokalitetu iza Kozije ćuprije, a s ciljem prevencije pokretanja klizišta, te da o tome informira Gradsko vijeće”.

Odgovor:

U skladu sa inicijativom Odbora za javne službe, infrastrukturu i javni saobraćaj Gradskog vijeća Grada Sarajeva (Izveštaj broj: 04-GV-02-945-3/18 od 12.09.2018 godine), Glavni inspektor je izdao Nalog Komunalnom i Urbanističko - građevinskom inspektoratu da izvrše inspeksijski nadzor.

Inspeksijski nadzor je izvršen dana 20.09.2018.g. na traženoj lokaciji, o čemu je, dana 21.09.2018.g. dostavljena informacija Odboru za javne službe, infrastrukturu i javni saobraćaj Gradskog vijeća Grada Sarajeva.

Zaključak inspektora je sljedeći:

Inspeksijskim nadzorom je utvrđeno da nad priobalnim pojasom i koritom rijeke Miljacke na lokalitetu prije i poslije Kozije ćuprije inspekcija nije nadležna, jer predstavlja neuređeni dio korita rijeke Miljacke, odnosno navedena dionica nije obuhvaćena Odlukom o korištenju, održavanju i čuvanju uređenih korita i obala vodotoka na području grada Sarajeva (“Službene novine Kantona Sarajevo”, broj 2/07), tj. Odlukom koja se primjenjuje do usvajanja Elaborata od strane Gradskog vijeća, a koji je naveden u članu 6. Odluke o korištenju održavanju i čuvanju vodotoka na području grada Sarajeva (“Službene novine Kantona Sarajevo”, broj 4/16).

U prilogu su fotografije stanja i službena zabilješka inspektora.

Gradonačelnik

mr. Abdulah Skaka s.r.

Dostaviti:

- Naslovu,
- a/a



Grad Sarajevo
Gradska uprava
Služba za inspekcijski nadzor

Broj: 10-177-1/18
Sarajevo, 20.09.2018. g.

Gradski komunalni inspektor i Urbanističko – građevinski inspektor u skladu sa članom 73. stav (2) Zakona u upravnom postupku FBiH (Službene novine FBiH, broj 2/98 i 48/99), sačinjavaju:

Službenu zabilješku:

Dana 20.09.2018. g. u 14,00 sati, sačinjena je službena zabilješka u kancelariji Gradskog komunalnog inspektora, Hamdije Kreševljakovića broj 3, Sarajevo.

Gradski komunalni inspektor i Urbanističko – građevinski inspektor izvršili su inspekcijski nadzor na osnovu naloga Glavnog inspektora, po zaključku Odbora za javne službe, infrastrukturu i javni saobraćaj Grada Sarajeva i po službenoj dužnosti, u skladu sa članom 17. stav (2) Odluke o korištenju, održavanju i čuvanju uređenih korita i obala vodotoka na području grada Sarajeva (Službene novine KS, broj 2/07).

Inspekcijski nadzor izvršen je 20.09.2018. g. u periodu od 10,00 – 12,00 sati
Tokom inspekcijskog nadzora korišteno je službeno vozilo Škoda Octavia (M69-K-538).

Prilikom vršenja inspekcijskog nadzora utvrđeno je slijedeće:

Komunalni inspektor i Urbanističko – građevinski inspektor 20.09.2018. g. izvršili su inspekcijski nadzor nad priobalnim pojasom i koritom rijeke Miljacke na lokalitetu prije i poslije Kozije ćuprije, što predstavlja neuređeni dio korita rijeke Miljacke, odnosno navedena dionica nije obuhvaćena Odlukom o korištenju, održavanju i čuvanju uređenih korita i obala vodotoka na području grada Sarajeva (Službene novine KS, broj 2/07), tj. Odlukom koja se primjenjuje do usvajanja Elaborata od strane Gradskog vijeća, a koji je naveden u članu 6. Odluke o korištenju održavanju i čuvanju vodotoka na području grada Sarajeva (Službene novine KS, broj 4/16).


Na licu mjesta zatečen je izvođač radova, firma Step d.d. Sarajevo (dva vozila, radna mašina – bager i više radnika). U razgovoru sa prisutnim radnicima isti su informisali inspektore o tome da radove vrše na osnovu angažmana od strane Općine Stari Grad, te da radovi obuhvataju ponovnu uspostavu osvjetljenja (reflektorsko osvjetljenje) i pripadajuće električne instalacije na lokalitetu Kozije ćuprije. Prilikom pregleda lokacije utvrđeno je da je izvršena montraža četiri reflektora montirana na metalne nosače (stubove) koji su pričvršćeni na betonsku osnovu. Reflektori posjeduju metalnu rešetkastu zaštitu. Reflektori su locirani u lijevom i desnom pojasu korita prije i poslije Kozije ćuprije. Prisutna radna mašina – bager vršila je krčenje šiblja ispred reflektora u lijevom pojasu korita nakon Kozije ćuprije. Izvršeno je fotografisanje navedenog izvedenog stanja.

Provjeravajući navode zatečenih radnika firme Step d.d. Sarajevo pristupili smo web stranici Općine Stari Grad gdje smo utvrdili da je 19.09.2018. g. putem saopćenja izvršena najava navedenih radova koji se odvijaju u okviru projekta revitalizacije/sanacije historijskog puta od Bentbaše do Kozije ćuprije.

Urbanističko – građevinski inspektor
Selma Bećinagić



Gradski komunalni inspektor
Goran Vujović



Prilog:

- Fotografije stanja na dan 20.09.2018. g.
- Saopćenje Općine Stari Grad od 19.09.2018. g. (Sanacija oštećenja javne rasvjete kod Kozije ćuprije). <http://starigrad.ba/v2/vijest.php?id=7969>, pristup 20.09.2018. g. u 13,00 sati.

Dostavljeno:

- Glavnom inspektoru
- u spis





